

浙江圖書館



811.17
3452

浙江省立	
圖書館	
登記號	125059
分類號	
	冊 4



浙江圖書館



浙江圖書館



浙江圖書館



浙江圖書館



浙江圖書館

寓舟詩集卷之七

秀水沈青崖良思父著

甲子

閱邸報見王致青司馬冤獄得白喜歌長句

元良在上求治殷莫須有事吏深文風草自誇能指佞實
因睚眦興蜃雲仲宣本是文章伯曾向軍門為揖客檄兼
嬉罵杓鑿殊遂與方面成間隙擔撫瑣細旋索瘢坐以六
行缺首端亞夫雖曾將百萬獄吏迫之不少寬蝦蟆啖月
幾五載辜却金鷄 恩似海近聞冰山見覘消神箸筮得
雷水解臯夔翊贊加檢詳岳牧綜覈平刑章僉曰咈哉宜
改讞行見轉圜如虞喆人制行實大節豈許含沙恣澆

館



125059

906

官子言集 卷十一
一
鱣臣不忠兮子不孝縱逃法網交當絕前此爰書黑白訛
宇宙寥廓聳贖多幸有天公為湔洗何慮人世來涅磨氣
機既動連茹拔枉者從繩蒙省察舉觴自壽泰來時彼蒼
同見浮雲撥

漫興

一齋斗大才容膝小院平分砌藥欄愛月每嫌墻角近畜
魚未得瓦盆寬養生有道胸中主修爵無妨廢後官壯志
久隨流水逝三眠蠶老鬣毛班

貶謫從來合有期寧教星相洩前知眉間黃色呈何日塞
上青春覺少遲賴得詩書為活計更饒風月助家資天公
分定當安遇欲送窮歸未免癡

撰書感懷

埽地焚香似老僧
浮屠拾級與誰登
拈花未識春何在
捉月渾憐影莫憑
始信學中真有海
每於閭處欲求燈
半生辛苦商明辨
得證心源吾未能

文章小技不求佳
痛哭長沙計亦乖
有咎默參周易理
投閒少釋杞人懷
入曾且試隨魚服
煎餅何能助女媧
靜坐紙窻虛白裏
忘機自喜得心齋

課兒子書

吾家過庭無所傳
惟有方寸石硯田
學書僅足記名姓
生平識字纔盈千
大兒愛搨顏魯公
中兒今仿趙文敏
更嗤小兒初把筆
滿紙塗抹蛇與蚓
莫似阿耶在軍中
草檄嘗

將墨磨楯

洮硯

洮水來西強鍾靈產綠沉

范石湖詩洮河綠沉色

孰云用武國偏有

右文心湍瀨疑浮磬榮光類躍金

傳聞硯石浮水而出蓋石本不浮急湍使之然

也肌如蕉葉嫩色比栗亭深鱗跡傳驪窟

石未治時膚如松皮有鱗鬣之

狀波紋寶墨林從今懷寸璧助我老來吟

撰書感懷再賦四首

半生宦學竟何存靜裏方知天爵尊細及蟲魚詩本分道

通彖象易根源一杯頓釋前蛇影千載難消古獄痕縱使

守身如處女蒼蠅飛過也難論

坎坷漫說儒冠悞曾乞靈龜一問津拄笏看山終是累典

衣沽酒未為貧，押犀簾內蟾光入。
羅雀門前燕羽賓，泥滑雪融惟閉閣。
閒尋三十六宮春。

古賢半為懼，憂患探窟搜。
根得上乘萬里駒，駭懷遠志九關虎。
豹撤高層詩中有佛，今誰是酒可成仙。
我不能惟願鑽書成脈望，莫教滿架任緘滕。

風月無私携取便，老來休作買山貪。
輞川景勝天然畫盤，谷雲深自在菴。
已向世途諳一一，不須禪語悟三三。
焚香

啜茗隨時好，試學遊僧到處參。

苧村云讀經辨史論諸著知七年請室所得深矣

昔在都下同館友，禪子

他海

尊甫唐公

岱

山水名家

購得三幅宦轍播，遷彈指十六七年不知存否。因寄

訊兒慙

戊巳校尉文豹姿自寫邱壑無常師晉帖唐詩俱入畫蹴
蹋山樵與大癡近賢麓臺石谷子將軍幾欲凌駕之金馬
門前老供奉吮毫常立白玉螭三山縹緲瀛洲近一樹一
石含邈思

兩朝欣賞宸襟洽幾度賜金公弗辭二疏

得金惟市酒朱顏鶴髮筆益奇同官紫峰

謂塞公爾登

肯介紹

丐公渲染越山谿天台鴈宕卧遊徧滄雲濺瀑侵茆茨宛
然置我競秀處翻覆展玩心神怡更有一幅寫春雨溟濛
花柳如離披縱然不著漁蓑笠何異江樓聽雨時竭來西
塞塵袞袞連天沙磧兩目眇邇來清夢溯曩昔恨不緘滕
相與隨莫使滿篋盡飛去汝歸急切須護持

芙蓉根被用東坡紙帳韻

白紵光熒剡紙連裁成七尺卧來便香留楚岸秋江錦潔
並胡沙夏雪瓊漚渚尚敲分影月機絲應織拒霜天陋他
蜀帳紅英染獨擁清芬自在眠

鼠鬚筆次元人謝宗可韻

浣腸今喜上蟾宮多謝蒙恬選拔公秋月兔毫同入殼雄
風鷄距莫爭功擬將幽俗薰時黑化作江花夢裏紅昔日
飲河曾染喙只今猶蘸硯池中

歸愚云二
作俱大方

雪鴻寓函述齒搖髮種恨不速化余因憶張司丞羽
有身健直黃金之語引以寄慰輒成短篇

升沉何足較身健直黃金且葆精神足能迴天地心勸君
常把殘笈我只耽吟坎陷將平日瞻雲聽好音

秋林抱邨圖為慶陽太守徐迂叟題

黃葉老踈林寥天淨如埽達士澹無營冲襟德彌劬石磴
侵蘚痕籬邊霜鞠傲伊人玉堂仙精思托吟嘯黼黻賁大
文述作輝廊廟而乃效郊寒兩肩聳如嶠素節警商飈冥
心契孤峭暮却昌邑金家崇薛包教恬愉以養神沉默却
引道舉世目為迂吾獨中心好夕陽颭殷紅萬籟發虛竅
招邀訪蘇門淇泉共垂釣追溯廿年前瀟洒燈中貌願補
朱陳圖握手仰天笑

曉峰云
老潔

長生未央瓦歌為朱吉士賦

磨石嶺上秦林光漢起甘泉峙其旁師古注史最精確元
封二年始創作少翁說帝通天神金芝玉槐次第陳甕印

水紋瓦陶篆當時臺閣多于鱗元鳳之時椽桷毀化為龍

鳳翔雲裏炎祚潛移銅雀興千甌萬甌埋泥滓二千餘歲

田隴平礫由犂确嘗礙耕農父揮鋤不一顧誰歟博物林

先生

諱侗字同人

攘剔蘚斑獲拱璧非籀非邈戈勒明欲持瓦

作鏡土質無光瑩欲借瓦為硯執須剗陰面吾讀新城梅

里詩相戒磨礧什襲之先哲好古每如此此意令人深長

思侯官韞匱歸東海菽林佳話常留在吾鄉好事屬東籬

接踵摻求經數載前年躡屐過雲陽山靈呵護弗敢藏土

脉墳起衝光芒就中崑玉僅一片竟與同人畧相當徑三

徑四寸微異延壽益壽或殊地豈似五等分穀蒲圓形肉

厚絕無二曩在梁園巷南北光祿子弟最相得

林氏在閩居號光祿

里吉人先生西清前輩其子恨未載酒一探竒徒使闖越

湘雲涪雲俱同館莫逆交兩瓦摸擬絜量抽胸臆涕厥蒸土胚胎時或碎或全疇夙

知寶鼎飛去翁仲泣羨爾歷劫能自持勗哉兩家子姓當

永保千秋億載無窮期

曉峰云古
朴深厚

乙丑

春日

圖

遲日南榮坐春和益益中詩從閒境得理向靜時融杏靨
偏宜雨柳腰常受風巾車隨意去佳興野人同

河冰驚蟄半芳草舊根青物轉三陽日人悲兩鬢星擬開
迎客逕好結著玄亭景仰高峯嘯侵雲入杳冥

和宋瑾懷太守賦得牧齋句人日於人倍有情原韻

日車流水縈維難新占韶光數莫看西塞遙憐蘋色轉東
風初報竹聲安蓼芽喜薦辛盤釅藻棋寧教綵勝單天意
泥人人不覺明年何處憶臯蘭

客裏逢人粲齒難隴西未得索梅看知非年過骨猶健出
險日來心轉安遇友伴吟堪慰藉有隣修德不孤單入春
便發花前思已見光風轉蕙蘭

寄懷邠州牧劉三

庶

卅載同簪筆亨衢羨爾馳符分周舊國威著漢新儀女有
白茅詠童將青竹騎我來涇水曲應許讀佳詩

希文貽治績經術老簪裾二澗環山郭三單靖野廬客來
讓畔地官著勸農書紫馬行春日川原樂有餘

已曾分半刺又復夢三刀祇為求民莫何妨借品高瀑簾
清比玉沮土潤如膏合并知何日相看惜鬢毛

月和懋韻

館

天上一輪度清光萬里勻見時如有約到處總依人映水
川川浴窺簾夜夜親那知同翫者吟獻各沾巾

曉峰云通體俱入唐人音節

冬至夜飲和懋韻

圖

剝極動葭灰陽隨一綫回愁予猶玉塞念爾乍金臺香夢
梅來驛寒窻月墮杯天心尋得處顏樂正徘徊

不遠之復在初九爻

故以為陽生之樂

浙

洮陽吳明經鎮少年勤學挾其詩卷請業于余余惟

關西自李崆峒文太青以後絕響久矣生能揚扈日

事苦吟誠可畏也因作長句貽之

大雅江河趨宇宙挽正始四言衍為五逮夫七言止上下
三千年悟此漸伸理譬天有歲差十二次遞徙人雖思復
古古道日以靡而况逐臭人輒媚工站屣翻新出淺語歌
詞雜下里性情非其真體亦失興比花月貌徒妍葩壇曾
不齒君能揖顏謝更上溯蘇李樸茂兼溫文吟深自得旨
毋求聲調諧勿畏俗眼鄙心鏡既澄明筆端自清泚昔賢
說項斯祇為桂枝耳即奉賈島佛亦緣塲屋技吾今與子
期不徒霄漢詣袖拂衡岳雲醉騎耒江鯉飯顆縱瘦生辦
香必炷此拍肩建安人俯視大歷子詩境本高堅才竭應

卓爾

答郭恬菴廉使見和狄道元覺寺題壁韻

西傾山下跳珠水洮水凍後急流中有漚如珠蘭若停車獨倚樓門對

古垣依落日窓含匹練迥橫秋閒吟迴憶非佳興屬和何

期有勝流過客不須思往蹟王韶曾此定熙州曉峰云高響遏雲

臨平徐秀才昂霄握便面有楊二汝梓贈行四首其

一盖懷余之作也感其意依韻答之原詩云酒泉我賞南湖画我到

南湖有感吟圓缺任他天上月清光不改是初心

籌邊樓畔逢鄉友曾輟軍書共苦吟羨爾南湖閒翫月懷

人如見屋梁心

浙

陸舫花時家釀熟數篇清俊荔枝吟曩在酒泉陽湖冢宰分餉恩賜荔枝因

共賦詩紀之邇來抱甕塘西隱晨夕論交有素心謂徐秀才

多年不覲超宗面五色新雛學鳳吟亭下他年容載酒兩

湖風月盡關心曉峰云結
有別致

白衣偃蹇緇塵路驢背推敲着意吟為憶舊遊尋太華蓮

花十丈是知心曉峰云何
等身分

東丁宦孫

獄吏何曾貴相逢盡若曹陶朱偶乏術郭解豈稱豪千日
醉鄉少百城書隱高知君多感慨評史莫牢騷

陌上花如綺春風不散愁道惟忌久將婦莫悔封侯未出

人寰去難禁世網投鴻飛真可羨詩思屬仙遊曉峰云體
格蒼老

秦安牛明府運震調繁平番却寄

天意紓西顧鴻儒借邑侯三長曾未試百里豈云酬邊塞

留張奐 朝廷待馬周鳳鳴看對策名姓 御屏收

秦川花最盛賢尹徧謳吟易地無殊俗張絃只一琴詩書

誠有用鄒魯亦堪尋 君以文學課邑士士多掇科者 從此膺前席 君恩

付上林

聽鐵鍊師 重光 鼓琴

書

凱風清且和維夏鬱嘉蔭端居避市喧破睡賴茗飲喜有
方外交時深抱琴興古音含天籟動中生至靜一彈怡余
情再鼓養我性雖非山水隈邈若泉石應浴霍墮修翎游
魚躍澄鏡子卿落節旄美里思明聖 是日彈蘇武文王二曲 絲桐詎
奏能聲由指間迸羨君出世資鏗爾心神瑩

讀施愚山集有題曹子顧陸舫詩觸余駐酒泉日邸

齋同名有感因次其韻

志趣同前哲，焦勞駐險關。長年難著力，暮齒僅生還。路隔秦吳遠，情通泉石間。乾坤增感慨，鼓吹想幽閒。

學士吾先友

顧菴曹學士為先祖菴庵公社友

歸來早閉關，坐磯知水漲。

倚樹看雲還，且泊風波外。欲超塵壒間，那知邊塞上。老馬

未投閒

苧村云坐磯十字靜境令余神往

圖

初夏訪友五泉徧游蘭若，僕指昔遊，悵然有作。

伊余滯金城，十年同面壁。鐫戶息交遊，內觀道心寂。行藥步郊垆，沿堤綠陰冪。引勝得良朋，山靈時雨滌。巖根響玉琴，素絲互衝激。登嘯漸忘疲，陟屺折齒屐。閣道梯紆迴，巾袖黏雲液。貼巘起飛甍，就崑剌窟宅。清磬出上方，喤音傳

講席蓮社憶高賢當世誰彭澤但聞千古泉
濺濺注白石幽憂過隙駒轉瞬成陳迹我本逆旅人于茲猶過客

送郭恬菴廉使七十致政歸范陽

次松門韵

朝廷崇憲乞志士愛華年却埽成新詠歸耕理舊田
看山嫌笏挂扶杖任車懸為溯壯猷日臨岐一惘然
塞上持籌後歸來又十年漸知尊有味規欲硯為田
柳外春風度松間皓月懸林宗占佳興何處不欣然

答武威李生蘊芳仍次其見貽韻

魁柄隨時幹照耀生才人長庚一感夢千古遂不泯
豈必誌公撫乃見天上麟沙磧回寒沍枯木熙陽春
篤志務敏學能令否塞伸誦讀具卓識大寶縑籍陳
望洋驚巨海析

學能令否塞伸誦讀具卓識大寶繼籙陳空洋驚目泚水
義分纖塵呬唔有所得漸與曩賢親恢弘德業廣精微規
矩馴揣摹既入殼黼黻賁 丹宸振翼翔雲衢鼓髻游清
潏孰云才不偶傑士疇沉淪我遊用武地儒衣頗詵詵獨
賞鷄羣鶴允堪王國賓腕下驅采藻胸次羅瑰珍渾疑白
與賀出世復一巡或者近北地崆峒其後身因慨薪樗澤
繼周恒如新願子且藏器待時會有真茫茫皆岐路伊顏
誠要津

遙和制府慶公嘉峪關韻

雪照龍旂一劔橫凱風吹動塞塵輕上公手筆高燕許不
藉防邊萬里城

九月二日金城郊外登眺

八月濤聲似廣陵樺林龍尾

臯蘭二山名

劇堪登依山白日難

窮目閒凭欄干最上層

零落菰蒲十畝池江南正值敗荷時中丞亭子斜陽裡

為亭

前中丞靜海元公建

一任雕梁墮燕泥

別蘭州

初出樊籠去纔知天地寬見山生靜意得路起清歡客久
紅顏老秋深白日寒五車今共載好與伴漁竿

青嵐山

驅車度隴干跬步生險阻曲折依蝸涎蟻綠隨仰俯乃知
陸地行亦陟瞿塘怒失勢幽谷棲得時青雲舉同歌行路
難未可同日語

得驄馬

昔年攬轡舊花驄
汗血徒勞未立功
瞥見最憐毛骨在
金羈玉勒聽嘶風

望崆峒

崆峒堪倚劍千仞
一痕青我慕廣成子
願從讀道經
玄窟不可見
侵雲入杳冥

宿白水驛

兼旬歷盡崎嶇路
乍得平川易破顏
敷淺原頭通芮鞫
來朝應過遏徂山

聞高坐愚督郵按部邠州

何處逢高適
天為早盍簪
十年成契濶
一路望知心
叱馭

君新發歸飛我倦林古邠留信宿剪燭且長吟

醴泉縣

撲面緇塵自隴西旗亭重覓舊留題北原秋樹平如薺
遙望昭陵石馬嘶

村連比戶桑榆茂堡接隣墉雞犬聞富教疇咨應有在
皇華誰識故將軍

咸陽

咸秦父老車前拜識得當年舊漕臣此日歸來牛馬放
西陲已是太平春

題楊岍雲著鞭圖

關河梁月照三更折柳為鞭灞上情常憶往來岐路泣終

南柱笏疑要盟

南柱笏擬要盟

僕僕飢驅仙掌下深簷棕笠愛吟詩知君不寫征人思欲
和柴桑歸去詞

館

枉道涇陽訪友却憶驪山

貪看渭北樹未得過溫泉為憶朝元閣猶含翠栢煙

望少華

圖

重華協灝靈菡萏插長屏讓太諸峯揖分香小辨青拍肩
通繡嶺躡履上明星位次三公後猶能達帝庭

華嶽廟報祭

浙

痛哭孤臣淚曾投少昊詞蓮華本至潔仙掌示無私方寸
蒙荃察中情達帝知雲輶來降鑒福佑禱咸宜

孫葭游大兄依制軍幕府余過長安未得一見敘濶

辱贈詩二章次韻奉答

壯年曾共賦嚶鳴揖客猶悲一鉞橫人世鬢毛增晚晚天
涯雲樹動離情雪羶有志甘辛苦桎梏旁求感 聖明

心緒滿懷期剪燭美人端的在西京

絕塞歸 朝道里迢雲天朱邸望殷遥輸君處是愈風檄

償我時惟老墨樵平子寄緘多摯語抵西安時得張大葆恬書仲謀贈

策折柔條郎君逸圃餽贐甚厚伊人宛在隔秋水脈脈含情度渭橋

張駕部嵩麓招集蔬園

堯山斜抱郭選勝辟疆園曲逕通雲竇新蘿護石門築成

招妙墨園初落成招文學皇甫賦詩客至倒清樽飮蔬尋真味懸知孔

樂存

自關煙霞路脩然水木清名花藏窟室老鶴上雕甍素志
琴書癖青春紱冕輕他年開綠野百事菜根成

平子吟愁處休文蠟屐過縱談麈尾秃覓句獬冠我座有同門

張侍御雪引山光近風搖竹韻和買山曾結念對此復如

何

自翼城至沁水道中雜詠

東西烏嶺疊千重古道低昂澤潞通到此客魂猶九折秦

關未許獨稱雄

浙

崦下家家十畝桑小橋壓澗細流長近來織素鷺溪樣好

補豳風廣義章

近有茂陵楊雙山著邠風廣義一書秦中當道刊布行之

太行歎

吁嗟乎太行之登也與蜀道而俱難胡為太白之悲歌獨
愛君其輸丹余既出關以旋軫上蒲阪陟中條遂南歷夫
巉岉山非霄漢轟路非劒戟攢忽陡上兮壁立或迅注兮
馳蹯落星石面蹄印白鏡光下瀉胡潑寒側足失矩步疾
驅無和鸞較比度橦索怵怵更不安煌煌京洛稱大道嶮
巖尚使心力殫何恠蠶叢金牛路本為猿鳥之所攀世人
苟知其硯碑曷不息駕而盤桓仕宦與商賈風露摧心肝
千古徃來者辛苦生餘歡入險不知險撫膺一長歎

比干墓

一片伊傅心欲延玄鳥祀至今黃土岡忠魂猶不死

曉峰云
做太白

邯鄲



昔聞魯酒薄乃致邯鄲圍相如誠為趙不應爭璧歸一朝
雖得志宗社從此危所以謀國者始終宜審幾

曉峰云獨具隻眼

題王甘泉虞部蘭亭補圖

祓禊年年遵曲水永和癸丑佳話始一觴一詠藉文傳遂
令君家獨擅美六朝江左繼風流畫師爭寫諸君子後賢
好事益探奇屏却丹青逞鍼指諦觀了了識鬚眉秋月半
規仍素紙主人什襲慮耗磨授簡客卿重摸擬天朗氣清
景駘宕激湍修竹路迤邐四十三人少長儕羣展琴書古
無比良常行楷紹宗風揮毫不減籠鶯技一時三絕屬婁
江展玩晴窓殊色喜絲竹管絃縱可娛何異飄風旋過耳

古今趣舍誠萬殊俯仰興懷同一視覽者勿作書畫觀庶得斯圖之大旨

浙江圖書館

浙江

寓舟詩集卷之八

秀水沈青崖良思父著

丙寅

除夕用東坡韻三首和周蘭坡學士

餽歲

改歲日月窮人事為參佐千門相餽貽市駟遂居賃紀麗
耳目新娛賓口體大我來逢星迴舍館莫僵卧巷陌看頽
肩漫刺投八座感此遞嬗時迅駛如旋磨憶昔酬酢紛廿
年彈指過酌酒熾烏金新詩倡子和

別歲

長繩莫可繫逝者不少遲年年酹酒錢行矣安用追歲往

成陳迹客來猶天涯所嗟人隔世先我黃泉歸迎新無意
緒安忍獨甘肥吞聲讀江賦惆悵含餘悲諸公拈吉語我
獨攄荒辭茶壘應見閔齒髮日就衰

守歲

幢幢燈燄闇照我添足蛇容顏蒙風雪賴有薄幕遮空房
誰與守咄咄書奈何隣牆競鏡鼓且聞兒女譁再甦若膚
蛻痛楚類血搥問夜夜未艾啓戶參橫斜乘除互憂喜歲
月恒蹉跎晤對有聖賢筆舌非浮誇

曉峰云燕趙
悲歌之士

蔣艾圃將至廬江留別三首用坡仙韻依韻贈行

鴻才玉堂仙胡為高牙佐儒行重席珍瑾瑜乃其貨不器
售每難學大人亦大恥唱鬱輪袍甘作南陽卧比年居長

安文章遂驚座擾擾緇塵中雙丸如轉磨上林不借枝屠
門僅許過緬懷古大賢曲高恒寡和

九年始聚首良會何太遲所由夷險路歷歷猶可追秦越
渺天末山巔及水涯相思不相見繫維安得歸殘喘存一
息何論瘠與肥乍從坎窞出連遘骨肉悲相逢述莊夢醜
酒讀楚辭况當歲云暮蕭索草木衰

君方騁騏驥余亦離豕蛇共遊康莊道無慮毒霧遮春明
忽折柳惘惘喚奈何羨爾琴書樂不聞俗語譁書生懷經
濟坐聽衙鼓過况得江山助筆勢兼整斜揣摹 大廷對
寸陰勿蹉跎在田占利見徵我言非誇

恭和

御製新春試筆

仰觀倚蓋天斗車東北指

聖藻初摛華春葩已含蘂

九有祝豐穰六街鬪芳綺我

皇體乾元歲星垂一紀

熙皞徧海隅飢溺視由已下逮踈逸臣亦得占燕喜草野效賡歌拜誦茲復始

查蓮坡聞余至京先期寄訊并約上元後策蹇來晤

因賦此志感

圖

騷雅素心侶分飛天各方溯余曩所遇與子略相當嘉峪

諳風雪春明老柘桑尋盟真隔世別已三
十年驗取鬢邊霜

宗室曉亭學士白園看牡丹詩四章慨故相國園亭

也一時名公卿屬和成帙余至京師既未及與看花

雅集而儵舍在王相國文靖公之隣巷其怡園為余

舊遊地今已鞠為茂草矣因次韻志感

蕭相勲高甲第新平泉水木足怡神
可堪燕去留空壘為憶花飛定減春
夢裏却尋填埒地歸來猶見插貂人

時少宗伯

梅孫公猶居舊宅

烏衣巷口重回首信步咨嗟日幾巡

經營北垞又南溟借取西山作畫屏
三世簪纓成落寞百年堂構漸凋零
流鶯欲別花無主瓦雀難依戶不扃
為想璿瑜歌舞處珠圍翠繞正婷婷

素衣曾浣老風煙百卉無如燕市妍
巷北三條今日徑城南尺五舊時天
清娛堂畔停雲靜得樹軒前吐月娟
白傅汧公同相業貽謀誰竟得承先

清娛得樹皆怡園綽楔所題

臘盡燈殘玉屑霏槐庭無復麗春暉
雨淋蘚壁蝸牛墮月

落頽垣蝙蝠飛數帙青箱文字在一坵綠野世情非黃圖
虛幻增悽惻楮朽煨銷話鉄圍

曉峰云此與唐人公主廢宅無異而感慨過之

落花次韻六首時適有私悼

試從消息究根由何事花開不久留
瑤圃自將溫玉瘞蘭亭常逐羽觴流
始知色竟涵空相須信春中帶早秋
老眼莫辭高燭照笑顏應趁解人愁

曉峰云起得飄忽

幸藉東君綴樹紅那知九十竟歸空
晴和無待烘榆火雨驟何能護箬篷
燕尾掠來飄入幕蜂鬚抱去轉隨風
繁華縱有朱明在不及濃華錦繡中

任是忘情也有心每於榮瘁更情深
偶携酒榼穿花逕曾記姓宵坐月陰
天上黃姑同抱恨人間青鳥渺難尋
傷懷

欲訪鴻都客凝盼終疑絕舊音

剪綵招魂貌不殊總非故劍又何須憶從黯淡含顰去能
向韶華解語無避却秦人歸冉冉看殘楚舞泣烏烏那堪
月白風清夜賸得離披一朽株

吐萼含苞隔幾何名園風雨五更多一叢亂颭隨飛絮萬
點斜飄逐逝波枯槁豈緣生桂蠹榮華真類夢槐柯不堪
潘賦終篇讀但擬來因割愛河

衆芳搖落涉江秋采掇徒深屈宋愁黃鶴已聞吹玉笛武
陵猶見繫漁舟燕啣却憶舊時謝桃綻應思前度劉賸粉
殘脂留絳蒂可憐轉瞬滅浮漚

曉峰云六首情文兼至
黃鶴二句尤超出塵表

槎帽架歌

亡兒禮存出京省母寄留書笈內藏枯槎一枝繯
藉數層珍如拱璧題曰帽架余寘諸寓邸撫物感
傷輒成長句仍用隱拙齋犀槎歌佳友韵

我從崑崙山下賦歸來大夏河孺當其隈訪古不見博望
跡仰窺繁星灝氣銀漢常昭回行行且達帝闈下虎豹撤
衛閭闔開顧見斧柯忽自朽妻子化為塵與埃檢點行篋
多卷帙中有杙枿稜角稱奇材長不盈尺膚皴瘵宛如裘
丈輪困氣勢挾風雷豈從牛渚得堪移月殿栽抑或可乘
葛陂杖直渡清淺之蓬萊標識云是冠有析進賢章甫登
三台惜此形製增感慨使我驚魂遊輪臺藉非我困絕域
外奚為累汝遭劫灰嗚呼邱明哭漆園哀我實兼之伊誰

云懷

讀隱拙齋集有題張浦山徵士庚畫梅之作余憶別
浦山四十年矣屢欲訪招不果遂致良聚猶難因次
拘體韻懷之

甫冠出門頭垂白外兄應薦仍逸民詩篇格擬顏謝古畫
筆品推張陸神天末未得隴頭寄夢中難尋庾嶺春苧村

浦山自號苧村桑者歸去烟雨渺惆悵不共京華塵

陳世南學士招集春暉堂賦呈

檢點今年春事遲玉堂清暇訪花司暖風銅陌芝蘭祀

兩郎

君在座酥雨天街桃李枝學士總裁書館時青辱在門下坡老水符兼遞酒

時有閣部郎在內城者不敢卜夜學士戲令包程遞酒寧王羯鼓半催詩羹調勺藥

多鄉味不讓前賢投轄時

曉峰云雅人深致

弔封氏卧龍松

松係元代遺物 枯于雍正末年

五百年前物何期壽數終生時但高卧化去定成龍盖影
思嘉蔭濤聲溯舊風那堪傷逝處骨月與君同

吳東壁前輩閱余所撰明辨錄等書辱贈長句依韻

奉會



鳳皇鳴朝陽文采光陸離壽潛茁仙掌千歲以為期先生
簪弗聿小子遥相隨析理不敢默如彼司晨雞卑栖在埒
桀高唱立瑣扉溯昔選六館後先同一麾君出治瘴海我
行極邊陲赴功輒顛蹶亦復相等夷渡江不化枳寧為地
所移朝端重寅清五禮燦列眉權衡大小戴馨欬貫琲璣

所移朝端重寅清五禮燦列眉權衡大小戴磨坊貫珠
俯視棼絲理隻手加編篋積勞在 秘殿酬庸無超奇恬

退悅道味梯天挾綵霓客從遠方至捧手話昔時垂訊躩

屈際端居奚所為答言願寡過鉛槧分吟哇電光十行下

一一為檢披獎借形賦詠辨析縞與緇許我志道合勸我

呈 玉墀窮則嶺雲悅達作拜獻資共探先聖域何藉鄭

與施

曉峰云奪胎章蘇州

出廣寧門

匝地薰風颺柳綿康衢驢輦著行鞭渺身戴得 君恩

重叱馭常思倣昔賢

浙

北河哭子

落日秋風易水寒望雲曾此憶長安一杯酌汝停車處痛

絕泉臺子舍單

憩方順橋

柳軟泉香澁水濱朝

天銜

命往來頻荒園觸起

人琴感鏡匣詩囊惜逝春

紀事

書

數錢年紀蕩分司片語傳情不自持門戶衰微憐絡秀愛

他遠識勝男兒

補屋牽蘿貧女家常將螺黛學塗鴉却教京兆生憐惜澹

遠春山八字斜

浙

反羅敷行

曉峰云此守正不辱者

使君車騎出經過採桑陌陌上有羅敷都冶耀朝日邂逅

使君車騎出經過採桑陌陌上有羅敷都冶耀朝日遊
呈倩盼標梅賦迨吉弱女生小家情義罔敢佚使君雖有
婦羅敷未有夫君知妾待字贈妾明月珠豈為富貴動感
此恩愛殊銀鈎作媒氏句筐鑿寸愚願抱衾與裯不敢當
夕居歸以告父母來日迎帷車莫以道旁昵輕我如路隅

邯鄲和顧雲叔韻

覺後從頭憶昔經誰何授枕又長征只今遠向南柯去猶
在槐安國裏行

萬聖菴故潞藩墳所改

一坏黃土在勝國已無存枝葉非金玉僧伽竟子孫鐘聲
空翠落雅影夕陽翻葱鬱同三恪冬青荷 國恩

萬泉古寺和王柿菴韻

夕陽銜廢寺野鳥自間關遠嶂沈秋浦明沙漲小灣宇傾
隨世改碑立比人間何處尋僧語空林徃復還

鉅野早發

館

雨餘朝濟色天末露龜鳧地勢連齊嶽人情近魯都野渠
趨溜駛海日出雲孤婦子喧田隴家家課麥租

遊古南池兼寄椒園侍御

我管慕東郡因并懷南池當世不表見千載誰聞知所幸
文未喪風雅恒在茲年譜暨名勝想象因公詩任城一泓
水傳是古址基鳧鷺恣游泳杜若滿澤陂皇華每憇此庠
舍列高楣搜粟董漕艘謁者監河隄徃來持絳節莫不愛
清瀾 聖皇示方略鴻藻泐穹碑遂使風月勝湖洞及

拾遺人好鳥亦好公言良足思凭檻念伊人宛在水中坻
年年八騶蒞慨慕虛芳規浣花與灤西神逞徒爾為我家
惠連曰曷不貌嵩祠衣冠憑翰藻俎豆光罍噀入廟知所
敬靈風翻桂旗頓改舊典缺一朝肅新儀京華詠常棣題
跋得盡披五字託欣向未愜辦香私四牡適經此展拜來
丹墀一脈溯原委咸推百世師光瑩留月印文采生風漪
西湖與鑑曲賀白各有之畫舫簫鼓沸油幕士女嬉何如
此澗潔淡蕩宜四時悠然起遐矚靜默含清怡

運河舟中用王蓼航韻

邊沙二十年一旦登檜楫愧非濟川才巨浸將安涉水際
涼颼生不慮炎曦赤葛衣推篷窓小酌延新月鳴榔下諸

牖迅利幾晨夕官柳綠未休湖光勝太液觀魚昔在茲

矢魚

于棠即今魚臺縣昭陽湖南陽湖諸處

百里金隄隔中流任所如王程無促

迫憶昔陸舫勞風波催白髮今乃舍車遊東望近涕渤鉦

鼓浮江南龜蒙時出沒寓舟隨寓安汎汎遙天碧

謁仲子祠

粵自結纓處再經負米鄉凝思無宿諾想象見升堂妹土

榱楹肅河澹蒞藻香今茲學從政果決未能忘

魚臺至宿遷舟中作

昭陽南陽兩湖連一綠千頃凌茫然漁罾蟹舍喧未已柳

條貫魚換青錢檣烏颭旂擢擊水官葦叢中鷺飛起穩坐

中流讀我書東南行路殊可喜岸旁景物自移來應接不

中流讀我書東南行路殊可喜岸旁景物自移來應接不暇風日美溯昔洮西十丈塵六盤九折催驚魂狐嗥鬼嘯愁殺人到此纔識大地春

渡黃河

出清河口

館

昔上風陵渡旋臨大夏河金城困十襖鼠腹餘無多時復陟皋坂橋題鐵柱歌溯維星源瀉九曲中華千里者居六騫槎遠望白雲遙尾閭洩處是歸宿一麾脫關塞南征下江淮黃流袞袞清湍急篙師估客相喧唼豈知此水所自來亦曾經過積石龍門隈涕洟滴向東海去空悲逝者不

復迴

曉峰云規撫李青蓮

浙

淮安買茉莉用鹿田杏花韻

何粉韓香恰妙年白羅裙褶不須湔兒家住近瓊花觀好

言子言集 卷八
趁熏風種玉田

高旻寺敬和

聖祖原韻

六馭巡方契法華相輪心轉降黃麻茱萸香簇三千界楊
柳煙迷十萬家鹿苑成時多寶地龍髯拔後即空花 恩
波閱世真如在采女牙檣只戒奢

燕子磯

圖

天生峭石立江壖叢樹孤亭雲外懸百堵青山排畫閣一
羣白鳥破蒼烟吟情自古憑危壘遊興從來藉酒船我欲
落帆風正駛倚篷流覽足欣然

曉峰云寫
得開濶

金陵懷古

閱盡興亡已七朝江山如畫黯魂銷何人不欲憑天塹只

看來潮復去潮

就寓

五月江城水閣涼
過雲歌吹沸斜陽
老翁更述前朝盛
十里秦淮珠翠香

雛蝶

綺陌濃熏百卉腓
蠕蠕出殼鳳生機
先烘煖日勻檀粉
却趁輕風試彩衣
嬌瘦拚從金谷墜
迷離莫辨漆園非
若教譜入滕王筆
也逐尋香隊裏飛

羅浮種好人爭愛
才出花叢尚帶羞
未舞為嫌雙袖短
不描已見八眉修
散隨天女疑無跡
宿伴王孫豈識愁
顧影自怜還自喜
破瓜從此正風流

虎阜

吳會多名勝先尋短簿祠山川清氣在風月晉人知錦繡
文為盛絃歌俗自遺我來弭檜楫緩步得神怡歌舞之俗世疑為夫

差所遺而不知言 ○ 曉峰云筆墨子武城之雅化也 間無斧鑿痕

聖因寺訪烝虛大師

昔是扳髯處今為卓錫窠欲來尋惠遠剛值病維摩定後
禪心古清時詩思多湖山落君手精進更如何

煙雨樓

煮茶亭址在吾鄉坡老風流未可忘青舫偶來宜弄月紅
衣環立只聞香巧將雲水分彭蠡獨有晴川讓漢陽三十
年前遊釣地依然魚樂宛中央

至杭州聞擢開歸河道

刺郡初啣命江湖三月程
宣房重厯念麻紙又書名徒
抱傾葵志難酬當宁情從杭
即向汴何以慰蒼生

衢州

舟過蘭溪後灘聲日夜聞
漁磯重壘石水碓半穿雲
雨後棕櫚碧風來橘柚芬
江干閒眺望白鳥自成羣

曉峰云中唐遺音

途次憶烟雨樓行將返棹志喜

望中縹緲似仙居
倒影湖波狎釣徒
晴暗柳絲新賜火
風搖荷蓋滿擎珠
一簾帆片隨高下
半幅蠻光入有無
休沐未能留十日
山靈乞我定何如

滕王閣

章江門外一維舟傑閣侵雲動客愁彭蠡烟波通楚澤匡廬面目拱洪州山川自入才人句名蹟常為帝子留贛石乍來隨別去登臨猶喜勝神遊

七月二日金宮庶

德瑛

高都督

琦

彭方伯

家屏

李廉

使根雲

蔣大參

嘉年

施副憲

廷翰

招集百花洲賦謝

亭臺宜稱是河洲况與滕王作匹儔天許三吳分澤國

姑蘇

舊有百

花洲 堯咨四岳治揚州臨流喜遇黃姑節選勝渾同赤

壁遊簾捲東湖沉暮雨水通南浦爽高秋擬舉杜若為衡珮欲採芙蓉當酒籌盛集簪裾成大雅廣徵絲竹發清謳香來水面花為幕綠蔭軒前屋似舟撰序敢誇闔督座朗吟得上庾公樓謙衷曲獎家臣僕勵志終輸從政由首戴

龍光歌湛露身膺燕譽晉康侯禽魚游泳偕民樂士女恬
熙體國謀媿我蒞虔無匝月南江風景未全收

過常玉山

館

舟抵常山募夫舁行李人坐竹兜每夫索直百二
十文擔者八十舁者百廿斤號曰馬前夫奸僧以
輕秤平之至中途索包稍錢三十否則勒令老廢
婦女步行其剽竊商貨逗留沿途竟致乾沒者尤
多古之願出其途者諒不如是前江右撫軍謝公
旻廣信陞守陳君世增屢示禁戢惜為點涕之舉
而未探其源也余履其地山初不高其分水處地
名草坪微高數丈東流向常西流向玉各有天然

溝澗若於草坪左右開濶成河引入大路傍會通
田塍池塘直達二縣水次計丈勘八十里為官河
須給民田價二百四十畝豁糧額加以畚鍤塘牖
之費三千金可以一勞永逸然孰肯創此迂謀為
旅人計乎故寄之詩歌以代阮途之哭

玉山常山水分瀉高田下田紅穉稔四圍松篠亂棲雲彭
澤籃輦走如駕駢闐百貨蟻遄行揮汗頰肩索奇價路隅
陂塘各盈畝胡為寸寸劃成壩若使通流蕩小舟直可往
來草坪下我欲條陳惠旅人恐遭市虎衙胥罵雨淋日炙
億中途俛首吞聲憇民舍

苧村云心闕民事在在見
之安得食祿者皆如是

里門雜感

少伯祠前五色螺比隣鷺鴨日銷磨

祠在金明寺後清明前後湖中螺尾五色

近因養鴨者衆螺并絕種因禁為放生池

扁舟一去烟波渺誰道公魂戀此多

翁子歸來晝錦新空房却為早嫌貧我今柯爛傷笄獨余

賜環連遭妻孥之戚少司寇橡村先生謂余宜繪爛柯圖以寫懷

黼翬相依奉倩神鵬月將為

亡室卜葬

二畝荒廬計尚虛秋來未許憶鱸魚裴休有宅僧常住放

鶴洲前木葉疎

梅里拏舟訪彼姝

謂朱上舍稼翁

辨香端為小長蘆年來更結東

籬伴

竹垞老人族孫吉士自號東籬

最愛庭前三秀株

吉士三子皆秀發舉宏博貢成均可

以嗣音竹垞

倦圃

曹侍郎秋岳

名園號鏡舟隨師風浴恣探遊

師郁子周尚余少時讀書

其
中重來楊柳灣前過
園主人汪氏顏其門曰楊柳灣中一草廬却少珠簾四面

樓
昔金氏居此園有四面樓為登眺處今改平屋

白屋長齋繡佛幢篤生才子共雞窓
諸襄七太史母夫人繡千佛幢廿年

不見西清老
襄七為余閣中前輩丁未別後且二十年矣 悵望蒲帆又渡江
襄

七服闋赴京

八月江鄉吐稻齊秋涇橋畔水平畦小舟乘月尋三徑高

士門闌似剡溪
謂蔣敬持孝廉

童時弄筆讓吹埴
張浦山徵士為余中表伯兄 至竟鴻詞數葶村
浦山自號

只愛浣花追杜老
館于成都蔣學使幾十年矣 干旌未許叩衡門

渡江望金山

八月潮水高挂帆渡揚子烟樹渺無垠翠黛浮江汜東望

海門遙北濟蕪城
駛塢影矗晴雲鐘聲空際起
島宇寄鰲身玲瓏窟根抵
岷源奔三千尾閭將竟委
結構通精靈鬱秀當在此
願上多景樓一覽收衆美
抱懷坐蓬窻且酌中泠水

愍淮揚

淮揚之區號澤國
邵寶諸湖渺無極曾波疊浪爭海門
宣洩路隘成否塞古人量腹節所受
胡為積流膨胸臆我聞高堰峻隄防
收束洪澤交淮黃安東欲瀉未盡瀉
遂使邵宿俱汪洋瀕河高岸新加埽
減水牯啟低田澇官柳尋常只露梢
民廬八九蛙鳴竈官民習見不為災
竹籬茆舍無流漂惟有堯心厖隱憂
使星獨照濟川舟

時遣東軒高協相持節賑

濟

瘡痍未愈頻振恤損上益下何時休
邴相當國問牛喘
大臣不與錢穀謀方今河漕須合計始見司空能惠疇歲
漕贍軍四百萬蓄水濟運築隄堰疏泉濬淺利水多邴知
水多尤受困不如做古九河形南條北條遵禹經浮汶達
濟敖倉建轉輸玉粒儲王庭棄地與水勿與爭水退無權
民安寧此論雖迂殊堪聽

苾村云棄地與
本崇論不刊

舟次中秋

用朱鹿田丁巳中秋韻

曠蕩敞秋光差為旅懷幸水天擁月流非復蛙在井

上年中秋

余尚滯
甘肅

牽牛未服箱鈎石無所秉倚檣暫偷閒吟玩得幽

景萬里淨纖雲射角澹河影桂窟淒以清斧斫戶不整得
母抱離憂而乃獨娟靜人事有缺圓捫懷且私省姮娥竊

嘆予莊夢殆未醒
遙憶稚兒女
瓜餅猶門逞
豈知扣舷翁
心同廣寒冷
延月入我帷
僵卧終耿耿

防河紀事和完制軍原韵

十月先春柳意歸
旣旣靡及敢依違
自從水部披金鑑
不似軍城領鉄衣
館築河壩叢菊冷
馬嘶霜野曉星稀
前途仰望高山在
玉帳春容示握機

拘孃臺


護草含暉樹北堂
封人譎諫請羹嘗
只今大隧生禾黍
留得泉臺說武姜



浙江圖書館



浙江圖書館



浙江圖書館



浙江圖書館

811.17
5452

~~160006~~

浙江省 125059
圖書館

借閱者注意

- (一)借閱此書須加意愛護勿失原有形狀
- (二)損壞或遺失應照原價賠償
- (三)借閱以二星期為限期滿應即繳還遇必要時得續借一次
- (四)逾期不還須照章繳納罰金
- (五)此書如值需用時本館得通知借者須即繳還

(目五)

浙

館

浙江圖書館

Blue Cyan Green Yellow Red Magenta White 3/Color Black


TIFFEN Color Control Patches

© The Tiffen Company, 2007

Centimetres

Inches

1 2 3 4 5 6 7 8 9 10 11 12 13 14 15 16 17 18 19



浙江圖書館



811.17
3452



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black